



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Regi Armeniæ.

urn:nbn:de:hbz:466:1-20020

siones plus vel minus debito restitutum. Pro restitutione verò fructuum idem Egitanensis obligavit ablantes, hoc tamen adhibito, quòd si cautio illa insufficiens visideretur, secundum delegatorum ipsorum caveret arbitrium per pignoratitiam vel fidejussionari cautionem. Praefixo quoque termino quo se partes corundem judicum conspectui presentarent, propter discordiam quæ inter carissimos in Christo filios nostros Portugalensem & Legionensem Reges excreverat, idem Colimbriensis quòd neque per se neque per procuratorem idoneum apud Auriam poterat proficisci per quandam nuntium ferè nudum iudicibus intimavit. Ipsi verò eundem Colimbriensem in mille ac sexcentis solidis moneta Legiōnē expensarum nomine condemnarunt, & aliās procedentes minus legitimè contra ipsum, episcopatus non sine Colimbriensis Ecclesie præjudicio post appellationem legitimam limitarunt. Quia propter idem postulabat instanter processum judicūm corundem tam super expensis quam limitibus irritari. Nos autem considerantes utrique partium expedire ut non secundum rigorem justitiae, sed secundum æquitatis prvidentiam in isto negotio procedatur, discretioni vestra per apostolica scripta præcipiendo mandamus quatenus apud vos possessionibus sequestratis, Egitanensem Episcopum, ut Colimbriensi fructus juxta formam alterius nostri mandati restituat, vel de restitutione facienda sufficientem prester & idoneam cautionem, monitione præmissa, distinctione qua convenit, appellatione postposita, compellatis, & sic auditis, & intellectis qua partes hinc inde duxerint proponenda, si vobis constiterit quòd Auriensis Episcopus & sui conjudices prvidè dioceses prædicorum episcopatum limitarint, faciatas eas auctoritate nostra secundum illum modum manere perpetuò limitatas. Alioquin tam per testes, instrumenta, & famam quam antiquas divisiones & quæcunque alia adminicula, inquisita & cognita veritate, plenius ipsos episcopatus, folium Deum habentes pra oculis, limitetis, facientes quod decreveritis per censuram ecclesiasticam firmiter observari. Ceterū si prænominatus Colimbriensis de legitimo impedimento docuerit propter quod Auriensis Episcopi & conjudicū ejus conspectui se nequivent præsentare, vos eum absolvatis à pena qua propter contumaciam per illos exitit condemnatus. Alioquin ipsum in legitimis & moderatis expen-

sis, quas pars altera fecit in causa ex quo idem Colimbriensis cœpit laborare contumacia, condemnatis. Proviso prudenter ut Colimbriensem Episcopum super possessionibus laicalibus quas in Comilano & in ejus terminis legitimè acquisivit non patiamini ab aliquo indebet molestati. Quod si non omnes &c. duo vestrum &c. Vos denique, fratres Episcopi, super vobis ipsius &c. Datum Laterani v. Kal. Martij, pontificatus nostri anno sextodecimo.

REGI ARMENIAE.

INviti ac dolentes tibi negamus apostolicę salutationis & benedictionis allo. quiū, cui benedictionem & salutem aeternam in Domino affectamus. Verum id expoſit tuorum excessuum magnitudo; quia cum devotum ei deberes impendere facultum qui te ad regni solium sublimavit, ad vindictam malefactorum, laudem verò bonorum, commissum tibi ab eo gladium exercendo, tu illum conversione damnabili convertens in viscera Ecclesie matris tue, nuper, ut ad præsens alia tecumus quæ nobis sunt de tuis actibus saepius nuntiata, in Ecclesiam & populum Antiochenum tantæ immunitatis atrocitate violatis treugis & regia promissione prohibita defavili ut ad confusione tuam non possit in memoriam non redire quod legitur: *Vnusquisque a suo proximo se coidat, & non habeat fiduciam in quolibet fratre suo; quia omnis frater & proximus separabit, & studebit incedere frāndulēt.* Sicut enim ex litteris venerabilis fratri nostri Patriarchæ Antiocheni & multorum aliorum nobis innotuit, cum treuge inter te ac Antiochenos præfatos per ipsius Patriarchæ studium factæ fuissent & juramento firmata, tuque promisso quod eas inviolabiliter bona fides servares inquit ad terminum constitutum, super hoc litteras eidem Patriarchæ bulla munita regia destinasse, tandem oblitus quantum habere debeat regalis promissio firmitatem, quantumque sit indecens & nefarium hujusmodi pacis aut treugarum federa violare, in terram Antiochia Rupinum nepotem tuum videlicet in cum non parvo exercitu transmisisti; qui terram imunitam, utpote nihil hostile metuentem, ingressi, non solum civium, sed & Ecclesiarum casalia, supergressi levitatem paganorum, redegerunt in circumferentem & favillam, & flagitis quæ recitare nec libet nec expedit perpetratis, pradam valentem centum millia Byzantiorum & amplius abduxerunt. Prius etiam quædam

Romani Pontificis Lib. XVI. 735

quæ dictus Patriarcha malum in bono vincere studens usque modò siluerat attentatas, quibus apostolicam sedem, immo eum qui Ecclesiarum omnium eam matrem constituit & magistrum, non leviter quidem noseeris offendisse. Cùm enim venerabilis frater noster Patriarcha Hierosolymitanus apostolicae sedis Legatus quendam, qui te * Patriarcham Antiochenum appellat, de speciali mandato nostro duxerit exigente iustitia deponendum, & in omnes qui eidem tamquam Patriarchæ intenderent excommunicationis sententiam promulgarit, tu nihilominuscum non sine apostolicae sedis injurya recepisti, eidem quasi Patriarchæ temerè intendendo. Ad hæc, electo Tharsensi sublato de medio, cùm Patriarcha sapientius speraret ut juxta promissionem tuam Archiepiscopus institueretur ibidem, tu redditibus & casalibus ipsius Ecclesiæ militibus tuis sacrilega præsumptione divisis, & Latinis clericis expulsis penitus ab eadem, in ipsa Græcos quosdam intrudere præsumpsisti. Quoniam igitur hæc sub dissimulatione trahire nec volumus nec debemus, quos apostolatus officium non solum Ecclesiæ, verùm etiam fidelibus universis constituit debitores, ne nobis negligenter impietatem tuam tibi, prout ad nos pertinet, nuntiare, tu in tua moriaris iniquitate, quod absit, & sanguis tuus de nostris manibus à Domino requiratur, serenitatem tuam monemus, rogamus, & exhortamur in Domino, & sub divini judicij obtestatione tibi præcipiendo mandamus quatenus prædicto Patriarcha ac Ecclesiæ suis taliter satisfacere studeas de præmissis ut majestatem divinam, quam ea committendo tibi offensam proculdubio reddidisti, placatam tibi reddere valeas eadem corrigit, & nos te tamquam obedientiæ filium caritatis brachii amplexantes, favorem tibi teneamus apostolicum impertiri. Alioquin, cùm Domino disponente in eo simus loco & officio constituti ut vindictam in nationibus & incrationes in populis facere teneamur, ac secundum Apostolum omnem inobedientiam prompti simus ulcisci, venerabilibus fratribus nostris Patriarchæ Hierosolymitano prædicto & suffraganeis ejus ac Episcopis Cypræ nostris damus litteris in mandatis ut te, licet ex alia causa vinculo excommunicationis astricatum, ex hac quoque usque ad satisfactionem condignam appellatione postposita faciant excommunicationis sententiae subiacere; nihilominus in prefatum nepotiam tuum ac omnes

principales fautores & consiliarios tuos confimilem sententiam preferentes, ac facientes eandem usque ad satisfactionem idoneam inviolabiliter observari. Insuper carissimis in Christo filiis Hierosolymitano & Cypræ Regibus illustribus & Baronibus corundem, necnon dilectis filiis Templaris & Hospitalaris & peregrinis constitutis in provincia Hierosolymitana, mandamus ut interim tibi nullum impendant consilium, auxilium, vel favorem, quinimmo te tamquam excommunicatum arcuū evitantes, Patriarchæ prædicto ac Ecclesiæ ejus assistant ad suam iustitiam obtinendam; præfato Patriarchæ Hierosolymitano mandantes ut ipsos ad id compellat per censuram ecclesiasticam, si necesse fuerit & viderit expedire. Tu igitur sensus tuos colligens in te ipso, sicut vir providus, studeas præcavere ne te in illum articulum necessitatis inducas quod te serò pœnitentia apostolicis non obtemperasse monitis & mandatis. Datum Laterani 11. Kalendas Martij, pontificatus nostri anno sextodecimo.

*REMEMSI ARCHIEPISCOPO
& suffraganeis ejus.*

ET si apostolatus officium nos universis constitutus debitores & erga omnes paternum affectum gerere teneamur, regnum tanien Franciæ prærogativa quadam diligimus caritatis, utpote quod præ certis mundi regnis apostolicæ sedi ac nobis obsequiosum semper exitit & devotum; ideoque ab eodem regno specialiter amovere cupimus scandala universa que contra illud divine possent majestatis oculos provocare. Noveritis autem ad nostram audienciam pervenisse quod ejusdem regni homines quasi ex consuetudine generali, frequenter ex ira, & interdum animi levitate, quibusdam utuntur nefandis & horribilibus juramentis; & cùm veritas doceat per se ipsam non esse jurandum per terram, quia scabellum est pedum Dei, ipsi non solum per divinos pedes & manus jurare non metuunt, verùm etiam ipsius Christi & sanctorum ejus secretiora membra lingua sacrilega perscrutantes, ea non formidant intonare jurando quæ nos scribendo sumus veriti nominare. Cùm igitur sacri canones in presumptores hujusmodi constituant graves poenas, & Episcopos nihilominus, qui hæc emendare negligunt, afferant acerrimè arguendos, fraternitatem vestram monendam duximus attentius & hortandam, per apostolica vobis scripta

*Epiſt. 3:
De coſcenda
jurandi teme-
ritate.*